



Adresseinformasjon fylles inn ved ekspedering.
Se mottakerliste nedenfor.

Dato: 20.12.2019
Vår ref: 19/03330-8
Deres ref:

Tildeling av driftskonsesjon etter minerallova for utviding av Bjørnøya i Haram kommune. Longva Maskin AS.

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) visert til søknad om driftskonsesjon, motteke ved DMF 26. september 2019.

1. Tildeling av driftskonsesjon

DMF tildeler Longva Maskin AS, org. nr. 970 377 158, heretter kalla «tiltakshavaren», driftskonsesjon etter minerallova § 43.

Tiltakshavaren får driftskonsesjon for uttak av fast fjell i utvidinga av Bjørnøya på del av eideomen gbnr. 180/2 i Haram kommune. Mineralførekomsten hører til kategorien mineral som grunneigaren eig.

Konsesjonsområdet har eit areal på kring 11 daa og går fram av kart med tittelen «Konsesjonsområde Brudd Bjørnøy i Haram kommune», produsert ved DMF den 4. november 2019, vedlegg 4.

Omsøkt område ligg inne i kommuneplanen for Haram kommune som LNF-område. Det er søkt om dispensasjon frå kommuneplanens arealformål, og gjeven løyve til utvinning av mineralførekomst i brev av 1. oktober 2019 frå Haram kommune.

Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving. Tiltakshavaren er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF.



Dersom Tiltakshavaren ønskjer å gjøre vesentlege avvik fra driftsplanen, skal DMF godkjenne dette på førehand.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 400 000,-, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti som ein påkravsgaranti for et beløp på NOK 400 000,- som skildra i punkt 5.11.

Før drifta startar skal Tiltakshavaren ha:

- (i) inngått ein avtale om finansiell sikkerheit med DMF, vedlegg 1;
- (ii) lagt fram påkravsgaranti frå bank som DMF vurderer som tilfredsstillande, vedlegg 2;

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

- Før oppstart av drift skal konsesjonsgrensa for massetaket settast ut eller markerast i terrenget, slik at den er lett synlig gjennom hele driftsperioden.
- Fondsavsetning for 2018 skal innbetalast til sperra konto før tiltakshavaren kan opne nytt areal i samband med utvidinga av Bjørnøya.
- Tiltakshavaren skal nytte agronomisk kompetanse ved etablering av dyrka mark når masseuttaket skal tilbakeførast. Det skal også utarbeidast ein plan for gjennomføring av tilbakeføringa. Fylkesmannen skal få ein kopi av planen.
- Tiltakshavaren skal ta særleg omsyn til spreatingsfare av parkslirekne ved massehandtering, og gjennomføre naudsynte tiltak for å hindre at arten spreier seg.
- Tiltakshavar skal, i samråd med Møre og Romsdal Fylkeskommune, avklare forholdet til det automatisk freda kulturminnet med id. 264172 før drift kan startast i området.

3. Godkjenning av driftsplan

DMF godkjenner driftsplanen for utvidinga av Bjørnøya. Den godkjende versjonen av driftsplanen ligg ved dette konsesjonsvedtaket, vedlegg 3.

4. Høyringsfråsegner med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Haram kommune, Fylkesmannen i Møre og Romsdal, NVE Region vest, Statens vegvesen Region midt, Møre og Romsdal fylkeskommune, Nordvest Nett



AS samt andre høyringsinstansar slik det kjem fram av adresselista til høyringsbrevet og adresselista til dette vedtaksbrevet.

Høyringsperioden var frå 6. november 2019 til 4. desember 2019.

Frå høyringsfråsegnene har DMF særleg merkt seg dette:

NVE Region vest:

NVE hadde ingen merknader i saka.

DMF sine kommentarar:

DMF harteke høyringsinnspelet til etterretning.

Statens vegvesen region midt:

Statens vegvesen hadde ut ifrå sine eigne ansvarsområde ingen merknader i saka.

DMF sine kommentarar:

DMF harteke høyringsinnspelet til etterretning.

Fylkesmannen i Møre og Romsdal:

Fylkesmannen synet til at dei gav innspel i samband med søknad om dispensasjon og ber om at desse innspela leggjast til grunn også for søknaden om driftskonsesjon. Når det gjelde landbruk meiner Fylkesmannen at det er ønskjeleg at tiltakshavaren nyttar agronomisk kompetanse ved etablering av dyrka mark når masseuttaket skal tilbakeførast, samt at det vert utarbeidd ei plan for gjennomføring. Fylkesmannen ynskjer å få kopi av planen. I tillegg framhevar Fylkesmannen at veilederen «Jordmassar – frå problem til ressurs» skal leggjast til grunn for massehandteringa og etablering av nytt matproduserande landbruksareal. Når det gjeld observasjonar av parkslirekne i eksisterande masseuttak, ber Fylkesmannen om at tiltakshavaren må ta omsyn til at det er stort spreingspotensiale av denne svartelista arten og at dette må takast omsyn til ved massehandtering for å hindre spreiling av arten. Av planfaglege merknader til dispensasjonssøknaden meinte Fylkesmannen at det burde vere ein føresetnad at relevante føresegner for tilgrensande regulerte område også vert gjeldande for utvidinga. I og med at omsøkt område ligg i LNF-område og strandsone, skal det takast særleg omsyn til natur- og kulturmiljø, friluftsliv og landskap samt andre allmenne interesse. Fylkesmannen tilrådde difor at det skulle stillast som vilkår at det vert sett ei grense for tiltak 10 meter frå flomålet for å ta vare på fjøra med tilhøyrande vegetasjonssonde.

DMF sine kommentarar:

DMF harteke høyringsinnspelet frå konsesjonssøknaden og høyringsinnspelet frå dispensasjonssøknaden til etterretning. I samband med Fylkesmannen sin merknad om å nyte agronomisk kompetanse ved tilbakeføring av området, har DMF sett dette som vilkår i vedtaket sitt punkt 2.4. Det same gjeld for massehandtering og tiltak for å hindre spreiling av parkslirekne. Når det gjeld merknadene som blei sett fram i samband med kommunen si handtering av dispensasjonssøknaden, har DMF lagt til grunn at dette blei handtert teke omsyn til av kommunen.

Møre og Romsdal fylkeskommune:

Fylkeskommunen hadde inga planfaglege merknader. Dei har gjennomført ei arkeologisk registrering innafor det området som er omsøkt som utviding av



masseuttaket, der det blei gjort funn av eit automatisk freda kulturminne innafor området tenkt til utviding av masseuttaket. I samband med dette anfører Fylkeskommunen at omsøkt tiltak kjem i konflikt med automatisk freda kulturminne, og gjennomføring av tiltaket vil difor krevje dispensasjon frå kulturminneloven § 4. Dispensasjonen vil truleg bli gitt med vilkår om at det blir gjennomført ei arkeologisk utgraving av kulturminnet i forkant av frigjeving av området. Fylkeskommunen peiker på at drift ikkje kan settast i gang før forholdet til kulturminnet er avklart.

DMF sine kommentarar:

I og med at forholdet til kulturminnet ikkje er avklart, har DMF vald å stille vilkår om dette i vedtakets punkt 2.4.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkeren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtale med grunneigaren for gbnr. 180/2 i Haram kommune, som dokumentasjon for utvinningsrett.

Avtalen gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 11 daa og går fram av kart med tittelen «Konsesjonsområde Brudd Bjørnøy i Haram kommune », produsert ved DMF den 4. november 2019.



Omsøkt område ligg inne i kommuneplanen for Haram kommune som LNF-område. Det er søkt om dispensasjon frå kommuneplanens arealformål, og gjeven løyve til utvinning av mineralførekost i brev av 1. oktober 2019 frå Haram kommune.

5.3 Økonomien i prosjektet

DMF har vurdert den vedlagde informasjonen om økonomien i prosjektet.

Tiltakshavaren kan ikkje starte opp drift på utvidinga av Bjørnøya før dei har betalt inn fondsavsetninga for utteke massar i 2018. I tillegg må tiltakshavaren stille bankgaranti på NOK 400 000,- før drifta av uttaket kan starte. Sjå nærmare i vedtaket punkt 2.2 og 5.11. Etter DMF si vurdering er prosjektet økonomisk gjennomførbart.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekosten innanfor arealet på 11 dekar som søknaden gjeld. Det totale volumet fast fjell som skal takast ut er estimert til 140 000 m³. Det årlege uttaket vil variere med marknaden, men det planlagde uttaket per år er 140 000 faste m³. Det er planlagt drift i en etappe. Det blir òg presentert ein plan for sikring og avslutting. Planen er å føre brotområdet tilbake til landbruk.

Etter DMF si vurdering kan den vedlagde versjonen av driftsplan for utviding av masseuttak Bjørnøya i Haram kommune godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjonar eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Underveis i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.



Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomsten

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Erik Stabell Ludvigsen som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Elles har søkeren opplyst at verksemda har denne tekniske og bergfaglege kompetansen i verksemda:

Dagleg leiar for verksemda har både fagbrev, samt sertifisering som bergsprengar/bergsprengingsleiar.

Etter DMF si vurdering har Tiltakshavaren tilstrekkelig kompetanse til å drive førekomsten.

5.7 Miljøkonsekvensar av utvinninga

Det finst ingen reguleringsplan for uttaket.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjelder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og Artskart (gjennomførte i november 2019) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Ifølgje Fylkesmannen i Møre og Romsdal må det ved massehandtering takast særleg omsyn til spreiingsfare av parkslirekne. Dette er teke inn som eige vilkår i tildelingsbrevet punkt 2.4.

Etter DMF si vurdering vil slikt uttak av massar som det ersøkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.

Fylkesmannen i Møre og Romsdal har peikt på at omsøkt område ligg i LNF-område og strandsone. Det må difor takast særleg omsyn til natur- og kulturmiljø, friluftsliv og landskap samt andre allmenne interesse. Fylkesmannen tilrådde i samband med



høyring av dispensasjonssøknaden at det skulle stillast som vilkår at det vert sett ei grense for tiltak 10 meter frå flomålet for å ta vare på fjøra med tilhøyrande vegetasjonssonde. DMF har lagt til grunn at dette er gjort og handsamag gjennom kommunen si handtering av dispensasjonssøknaden.

DMF har kome til at det ikkje finst avgjerande moment som talar mot å innvilge konsesjon.

Konsekvensar av tiltaket for kulturminner

Møre og Romsdal fylkeskommune skriv i sitt høyringsinnspeil at omsøkt tiltak kjem i konflikt med automatisk freda kulturminne. Gjennomføring av tiltaket vil difor krevje dispensasjon frå kulturminneloven § 4. Dispensasjonen vil truleg bli gjeven med vilkår om at det blir gjennomført ei arkeologisk utgraving av kulturminnet i forkant av frigjeving av området. Fylkeskommunen peiker på at drift ikkje kan settast i gang før forholdet til kulturminnet er avklart.

DMF støttar seg til dei vurderingane som her er gjort av Fylkeskommunen. Vi oppmodar om at tiltakshavaren tek kontakt med Fylkeskommunen for å avklare forholdet til det automatisk freda kulturminnet som er registrert i området. Sjå også vilkår i vedtaket punkt 2.4.

5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.

Planomtala viser til at området har vore nytta til masseuttak tidlegare. Terrenget skal vere såpass slakt at det vil vere godt egna til tilbakeføring til dyrka mark etter at uttaket er avslutta. Vidare vil tiltaket, ifylgje planomtala, ikkje ha negative konsekvensar for barn og unge sine interesser. Området skal sikrast under drift og tilbakeførast slik at det ikkje vil vere til fare for omgjevnadene.

DMF har kome til at dette ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjearåstoff). Råstoffet blir brukt i produkt som det moderne samfunnet er heilt avhengig av og som blir brukte i bygg, vegar og anlegg.

Tiltakshavar opplyser at drifta i all hovudsak er knytt til utbygginga av Nordøyvegen, Fv. 659, kor hovudleveransen er plastringsstein. Overskotsmassane vil bli nytta til å fylle igjen massetaket.

5.10 Langsiktig planlegging for etterbruk eller tilbakeføring av området

Området er planlagt tilbakeført til LNFR. Det kjem fram av planomtala at terrenget skal arronderast slik at det ikkje vil vere fare omgjevnadene. Gjerde langs kommunevegen skal forlengjast slik at det også stopper ferdsel frå sør. Skråninga ut frå kommunevegen skal leggjast til 1:2. Høgda på skråninga vil vere avhengig av tilgangen på massar frå bygginga av Nordøyvegen. Skrot skal også fjernast.



Det fylgjer også av reguleringsføresegnane punkt 2.6 at området skal fyllast igjen med overskotsmassar etter prosjektet med Nordøyvegen, samt at avdekkingsmassar skal leggast ut og området etablerast med nytt vegetasjonsdekke.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshaver har foreslått å stille NOK 400 000 i økonomisk sikkerheit for utvida område.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere tilfredsstillande.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 400 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarende uttak, med tillegg for eksterne og uve nta kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føre målstenleg at den økonomiske sikkerheita blir stilt ved bankgaranti.

Før drifta startar skal Tiltakshavaren stille ein bankgaranti som DMF vurderer som tilfredsstillande som påkravsgaranti for eit beløp på NOK 400 000,-.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphøyre eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått har DMF rett til å få utbetalt det kravet som blir gjort gjeldande etter bankgarantien, utan omsyn til motsegner frå Tiltakshavaren.



Bankgarantien fell bort etter skriftleg samtykke frå DMF.

5.11.3. Rapportering og dokumentasjon

DMF finn det naudsint at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart.

DMF kan òg ha behov for meir rapportering og dokumentering enn det som er skildra over, og finn det difor naudsint å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

Dersom det blir endringar i krava til sikkerheit pliktar Tiltakshavaren å stille med ny påkravsgaranti og/eller signere en pantsettingserklæring som skal sendast banken, og inngå ein ny avtale om finansiell sikkerheit dersom denne skal bestå av anna enn bankgaranti aleine.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:

- utvinningsretten for statens mineral blir sletta
- avtalen om rett til å utnytte førekomst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdragning av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF. Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd



Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjøre om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjøre greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du også vårt digitale kartlysning, som er eit nytig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing



Maria Lauritzen
seksjonsleiar

Stine Borge Nordskag
rådgivar

*Dokumentet er elektronisk signert og har difor ikkje handskrivne signaturar.
Sakshandsamar: Stine Borge Nordskag*

Vedlegg:

Vedlegg 1_Avtale om finansiell sikkerhetsstillelse_utviding Bjørnøya.docx

Vedlegg 2_Påkravsgaranti_utviding_Bjørnøya.docx

Vedlegg 3_Godkjent driftsplan_utvidelse Bjørnøya.pdf

Vedlegg 4_Konsesjonområde_utvidelse Bjørnøya.pdf

Mottakarar:

Longva Maskin AS	Synnalandsvegen 47	6270 BRATTVÅG
------------------	--------------------	---------------

Kopi til:

Haram kommune	Storgata 19	6270 BRATTVÅG
Kåre Hånde	Bjørnøyvegen 10	6280 SØVIK
Ole Andreas Brusdal	Gamlemsvegen 65	6280 SØVIK
Lars Even Brusdal	Gamlemvegen 65	6280 SØVIK
Johan Karsten Brusdal	Gamlemvegen 65	6280 SØVIK
Hilde Longva Tomren	Sjurgarden 102	6270 BRATTVÅG
Olav Johannes Gamlem	Gamlemsbakkane 25	6280 SØVIK
Bjarne Fagerstad	Gamlemsbakkane 15	6280 SØVIK
Sølvi O Dybvik Wuttudal	Hamnsundvegen 539	6280 SØVIK
Trond Bjørnøy	Nobels gate 1J	0273 OSLO
Frode Nyland	Gamlemshaugen 105	6280 SØVIK
Andreas Olger Alvestad	Hildstrandvegen 318	6272 HILDRE
Ole Johan Bjørnøy	Fjellbuveien 4	1832 ASKIM
Vigdis Ranveig Stråmyr	Gamlemsvegen 85	6280 SØVIK
Klaus Arne Bjørnøy	Toralfvegen 3	6294 FJØRTOFT
Normann Ansger Farstad	Bjørnøyvegen 11	6280 SØVIK
Solveig Helene Rønstad	Bjørnøyvegen 172	6280 SØVIK
Anita Vestre	Bjørnøyvegen 2	6280 SØVIK
Torfinn Hånde	Bjørnøyvegen 2	6280 SØVIK
Annlaug Karin Ness	Nybøbakken 58 B	6011 ÅLESUND
Fylkesmannen i Møre og Romsdal	Postboks 2520	6404 MOLDE
Møre og Romsdal fylkeskommune	Postboks 2500	6404 MOLDE
Nordvest Nett AS	Kyrkjevegen 12	6240 ØRSKOG
Norges vassdrags- og energidirektorat Region vest	Naustdalsvegen 1B	6800 FØRDE
Statens vegvesen Region midt	Fylkeshuset	6404 MOLDE